

舒  
文  
存  
賴  
堂  
詩

四明張氏釣園開雕

舒頌堂詩文存序

舒信道才人耳文士耳未可以義法繩也觀其尉臨海有使酒逐其叔之妻至其前者命執之不服卽斷其首以合投檄而去題詩於尉之廳壁曰一鋒不斷姦凶首千古焉知將相才王荆公聞而異之召除審官西院主簿是其進身之始因有超拔之才非以私干於荆公也且說者謂信道作尉之時正荆公邑鄞之日史傳謂丞相王安石聞而異之實誤今讀謝皋羽題舒臨海故宅詩可以證之然則信道非於荆公旣大用而始附之矣

舒頌堂詩文存序

一四明叢書

約園刊本

然而信道於東坡攻之不遺餘力則何說以解按其爲御史時指斥蘇軾近上謝表譏切時政流俗翕然爭相傳誦又歷敘詩之諷詠如讀書萬卷不讀律致君堯舜知無術如東海若知明主意應教斥鹵變桑田如豈是聞韶解忘味爾來三月食無鹽蓋其時方以明法課試羣吏興水利謹鹽禁也而東坡觸物卽事藉以規諫信道劾之亦已甚矣顧雖劾之於先而極救之於詔獄之後皋羽非輕許人者其詩曰於此與有力豈爲重其身則非故入人之重辟者又可證也由是觀之信道矜才

使氣固不能爲之諱而謝山目爲呂蔡一流則過矣果爲呂蔡之逐勢方將登兩府以傲岸於天下安有餘暇之歲月以徜徉於月湖之濱與十洲之美景良辰相伴侶哉余自弱冠讀書煙嶼樓斜對錦里橋居人呼之曰隩底者相去數十步欲尋嬾堂遺址而故老盡矣嘗披四明舊志信道詩文往往而在且繫於吾鄉掌故者獨多因策鞞之得三卷以示馮君孟顓孟顓更取舒萃橋先生浩所編以示余余勘比之補詩三首

和石尉甲梅赤隴山香山

文一首

郭公墓誌銘

更補附錄四則

全謝山嬾堂記墨莊漫錄谿上遺聞四明延祐

舒頤等詩文存序

二

四明叢書約園刊本

志餘則大致同也因刻之嬾堂有手編元豐聖訓三卷

今既不可得而文集百卷僅存者千百之什一耳豈不惜哉嗚呼錦里橋頭官人巷畔豐清敏周四休陳忠肅晁景迂迭相唱和宜以湖山老矣而卒以移屯沅之洪江大星遽殞悼之者謂情殷報國而志未伸憫之者謂識昧知幾其出固可已而不可已者也徽宗之時天下其尚可爲哉雖然其文采又豈可掩者哉余故曰信道才人也文士也時民國三十四年一月後學張壽鏞序

舒嬾堂詩文存卷首

乾道四明圖經人物傳

舒賈字信道慈溪縣人也生而雋異魁梧特達垂髫時爲四皓頌言偉志大老師宿儒知其有遠識博學強記爲文不立彙尤長於聲律程文太學詞翰秀發爲天下第一有舜琴歌南風賦膾炙人口流輩服之登治平二年進士第授台州臨海縣尉負山瀕海其民標悍盜奪成俗有使酒逐其叔之妻至賈前者命執之不服卽斷其首以令投檄而去賈有詩題尉廳壁云一鋒不斷姦

舒嬾堂詩文存 卷首

一四明叢書  
約園刊本

兇首千古焉知將相才丞相王安石聞而異之召除審官西院主簿充熙河路分畫蕃漢疆界時洮隴新蹀血帥臣王韶欲以重兵防護賈一切卻去獨以單騎徑往宣示朝廷威信夷人以刃割肉試其誠否賈受之無難色於是雖呼良服乃定其界而還授太子中允御史裏行累遷試給事中直學士院制命辭令簡重渾厚有兩漢風眾論稱之擢御史中丞被詔舉任御史者十人所舉皆稱職時以爲知人崇寧元年荆南辰州蠻獫反除直龍圖閣知荆南府賈被命討蕩督勵士卒兵未壓境

而羣蠻屈膝請命朝廷遣使撫問加待制職亶時計議  
進築移屯沅之洪江俄得疾是夕有大星隕於洪江之  
西遂卒於軍徽宗皇帝悼惜其才贈龍圖閣學士澤及  
其子孫有手編元豐聖訓三卷并文集百卷藏於家

宋史本傳

舒亶字信道明州慈溪人試禮部第一調臨海尉民使  
酒罾逐後母至亶前命斬之不服卽自起斬之投劾去  
王安石當國聞而異之御史張商英亦稱其材用爲審  
官院主簿使熙河括田有績遷奉禮郎鄭俠旣復被  
逮亶承命往捕遇諸陳搜俠篋得所錄名臣諫草有言  
新法事及親朋書盡悉案姓名治之竄俠嶺南爲京王  
安國諸人皆得罪擢亶太子中允提舉兩浙常平元豐  
初權監察御史裏行太學官受賂事聞亶奉詔驗治凡  
辭語微及者輒株連考竟以多爲功加集賢校理同李  
定劾蘇軾作爲歌詩譏訕時事亶又言王詵輩公爲朋  
比如盛僑周郊固不足論若司馬光張方平范鎮陳襄  
劉摯皆略能誦說先王之言而所懷如此可置而不誅  
乎帝覺其言爲過但貶軾詵而光等罰金未幾同修起

舒亶詩卷

卷

約園刊本

居注改知諫院張商英爲中書檢正遣置手帖示以子  
婿所爲文竄具以白云商英爲宰屬而干請言路坐責  
監江陵稅始置以商英薦得用及是反陷之進知雜御  
史判司農寺超拜給事中權直學士院踰月爲御史中  
丞舉劾多私氣燄熏灼見者側目獨憚王安禮置任翰  
林受廚錢越法三省以聞命下大理初置言尙書省凡  
奏鈔法當置籍錄其數目今違法不錄旣案奏乃設以  
發放歷爲錄目之籍置以爲大臣欺罔而尙書省取臺  
中受事籍驗之亦無錄目置遽雜他文書送省於是執

政復發其欺大理鞠廚錢事謂置爲誤法官吳處厚駁  
之御史楊畏言置所受文籍具在無不承之理帝曰置  
自盜爲贓情輕而法重詐爲錄目情重而法輕身爲執  
法而詐妄若是安可置也命追兩秩勒停置比歲起獄  
好以疑似排抵士大夫雖坐微罪廢斥然遠近稱快十  
餘年始復通直郎崇寧初知南康軍辰谿蠻叛蔡京使  
知荆南以開邊功由直龍圖閣進待制明年卒贈直學

士

舒嬾堂詩文存目錄

卷一 詩

五古

和馬粹老修廣德湖 題宅山善政侯祠兼簡鄧

令 題放生池 題水月橋 遊翠巖六首 淨

居寺 明月堂

七古

粹老使君前被召約往宅山謁善政侯祠既不果

以書見抵謂可歎惜并示廣德湖新記因成長

舒嬾堂詩存 目錄

一四 明叢書  
約園刊本

句奉寄 再遊天童山回同吳與權諸友夜集

遊承天寺望廣德湖 送韋太守 詠蔗

五律

和馬粹老四明雜詩聊記里俗耳十首 題福源

院 題尊教院 香山野步二首 題桃源書院

七律

和遊棲真寺見寄 和西湖卽席二首 雨中遊

仗錫 遊雲湖過香山偶成二首 和劉龍翁留

題惠安二首 和新開西湖十洲之什 秋宴十



洲閣 和樓試可遊育王 題鄞江 題西山雙  
乳泉 題靈巖廟三首 題香山湯禪師 題蒙  
堂 題翠巖丈室 題明月堂 題五峯兼簡英  
禪師 題天童 題布袋和尚 題靈橋門 題  
雲湖慶安院 登五磊山 和石尉早梅

五絕

翠光亭 赤隴山

七絕

和劉琨西湖十洲十首 遊翠巖山 遊大梅護

舒州詩卷

二四明叢書

約園刊本

聖四首 遊灌頂三首 歸郡書金裝一首 含

珠林 題天王院內鑑堂 福勝院 湖心寺偶

書 題寶林院瓊閣黎房 題法喜院二首 太

白峯 太白庵 玲瓏巖 響石 龍池 虎跑

泉 佛跡 臨雲閣 春樂軒 宿鷺亭 村居

蘆山寺六首 崇福寺 夢入天宮 瑞巖寺

題明覺寺住在堂六首 香山

卷二 詩餘

散天花 點絳脣 臨江仙 醉花陰二首 虞

美人三首 醜奴兒 一落索二首 滿庭芳三

首 卜算子 菩薩蠻二十首 蝶戀花二首

減字木蘭花二首 木蘭花三首 浣溪沙五首

鵲橋仙

卷三文

記銘

翠巖山寶積院輪藏記 西湖記 西湖引水記

水利記一 水利記二 水利記三 戊辰遊

山題壁記 香山智度寺新鐘銘 宋故上護軍

舒瀨堂詩文集

目錄

三四明叢書

約園刊本

致政羅公墓誌銘 宋故明長史王公墓誌銘

宋故祕校郭公墓誌銘

補遺 詩 賦

七律

含珠林

七絕

題明覺寺住在堂六首 題崇福禪院 上雲寶

山奉慈禪院 蘆山寺二首

賦

舜琴歌南風賦

附錄

同舍弟泛舟西湖望嬾堂景物

王庭秀

舒中丞園二首

全祖望

嬾堂記

全祖望

墨莊漫錄

張邦基

谿上遺聞

尹元燁

光緒鄞縣志

徐時棟

管蠡堂詩文集 目錄

四明叢書  
約園刊本

舒頰堂詩文存卷一

宋慈溪舒 亶信道撰 鄞張壽鏞輯

詩

五古

和馬粹老修廣德湖

古作重慮始功利故能永末俗紛錐刀往往附光影此  
幾百歲餘興廢屢動靜七鄉十萬家利害寄俄頃諱張  
好惡曹聒聒亂池龜使君武陵孫明潔水中荇坐嘯黃  
堂春獨得意外景登臨莽蕪沒歎息民不幸一日山水

舒頰堂詩文存 卷一

一四明叢書

約園刊本

光蕩漾出荒搜黍禾雜蒞魚狼籍被他境人指白鶴祠  
殷勤竊有請衣冠儼郡公一一畫真鯁斯人豈可作庶  
用薦遺秉公乎且勿去何以慰鄉井願屬丹青手千載  
共觀省

題它山善政侯祠兼簡鄞令

嗚呼王封君心事鬼出沒驅山截長江化作雲水窟旱  
火六月天萬棟挂龍骨蕭條一祠宇像設何髣髴破屋  
夜見星漏雨溼衫笏杯酒謝車籌茲事恐亦忽我聞古  
先王報施必稱物矧今崇佛宮民力殆欲屈豈無制作

手一爲起荒蕪李侯仁賢資撫字良矻矻可但清似水  
方看健如鶻沈跡千載後行且見披拂陰功世易忘遠  
慮俗多咈勉哉君毋遲斯民久已鬱

題放生池

南州幾萬家舟楫江湖上習羅竭魚鼈方壓口腹養何  
年長者子於此事脫放藻荇被清流春風不驚浪直釣  
亦何心明珠豈所望落日倚朱欄無言獨惆悵

題水月橋

長空瑩如磨平湖淨無滓萬里夜寥寥清光墮寒水松  
風吹更圓沙鳥睡不起徒勞野獼捕謾作玄珠比相對  
倚朱欄時有逍遙子

遊翠巖六首

繆悠此投閒邂逅如得請終日對林僧是樂非世境千  
秋祇上塵萬事空中影既往悔可追無能味何永仍幸  
甘露音時時灌吾頂

翠巖老禪和欲退未容請聊許隱堂人先占廣軒境高  
松有寒青孤雲無定影韋暖幽澗香鳥啼清晝永一笑  
碧雲傍未羨匡廬頂

聊謝都城遊來赴道人請冥懷麋鹿羣回首冠蓋境深  
瀉泉石聲蕭森松檜影風帽何妨頽藜徑敢辭永還聞  
鐘磬音爲我下雲頂

先生盍言歸小子願有請出來陶淵明結廬在人境閒  
抱無絃琴靜弄南窗影勝事幾人知高風千載永何當  
理籃輿步月下孤頂

願聞海潮音幾煩檀越請有物還有機無心卽無境何  
當雪衲身重視水月影高臥與世疏孤坐共夜永時時  
挂西窗溪光照霜頂

淨居寺詩文存

卷一

三四明叢書  
約園刊本

欣聞厭其煩願亦謝道請孤鶩出塵埃勝境得真境萬  
籟發靜音千巖度空影無味道終憐有役慮真永會當  
立茆茨望子蒼岑頂

已上乾道  
四明圖經

### 淨居寺

老厭冠蓋場萬事不挂耳時與林閒人靜話無生理卻  
聞錢長官只飲淨居水使我夜不眠鏡花亦歡喜

延祐志

### 明月堂

案乾道圖經  
作王巨詩

引月貯虛堂堂高附南極我當盛暑來萬象生秋色堂  
豈朝朝新月亦有時蝕一寸坐禪心萬古磨不得

阿育王  
山志

七古

粹老使君前被召約往它山謁善政俟祠旣不果  
以書見抵謂可歎情并示廣德湖新記因成長  
句奉寄

長江滾滾西南流秋水時至狂不收大浪似屋山欲浮  
王侯神智禹所啾萬鬼琢石它山幽梅梁鼻虜臥龍蚪  
咄嗟滿駭就斂摯巨靈縮手愚公羞障成十里沙中洲  
支分脈引聽所求赤旱稽浸民不憂那得蠱蝗隨督郵  
汗邪甌窺滿車籌斯民飽暖何以醜廟貌突兀寒灘頭  
舒癩堂詩文存 卷一 四一四 明鏡書  
約園刊本  
歲歲雞黍祠春秋老農擊鼓稚子謳當時人物紛雁鷗  
豈無鼎食腰金儔朽骨往往空蒿邱姓名幾復人間留  
唯侯惠施膏如油江聲浩浩風颼颼千古不見使人愁  
拔俗萬丈山標峭使君不減裴商州下車百蠹隨鋤耒  
一笑四境無瘡疖天閑老步須驂騑已聞歸作金華遊  
欽賢訪古意未休畫船載酒岸鳴騶約我與往置脯脯  
冠蓋紛紛暇莫偷搔首悵望情綢繆我問使君亦何尤  
西湖萬頃蛟龍湫幾年荒蕪今則修馨鼓弗勝財不培  
長隄定矚高岑樓瀉有滄兮蕩有溝餘波北注引漕舟

桑麻被野禾連疇鶴鶴白鳥雜游鯊菰蒲菱芡歷採搜  
柳楊成幄蔭道周耕漁呼歌羸病瘳使君之賜侯可侔  
天邊旌旆看悠悠父老雪涕爭攀輶地僻借恂恨無由  
高文擣秀春華抽豐碑峯崒鏡銀鈎千年空此留海陬  
君知此日思君不還如今日人思侯

再遊天童山回同吳與權諸友夜集

太白嶄巖幾百尺僊人一去無消息臨雲時復倚欄干  
獨看千峯萬峯碧昨夜長髮城裏回報道湖上秋風來  
醉園雨過月臺冷籬根白菊看看開卻杖青藜趁流水  
目送征鴻下山紫逢船答浪遠叢廬咫尺煙汀幾萬里  
忽見江頭江月白紛紛笑語城東陌一樽北酒一枰碁  
未到嬾堂猶是客

遊承天寺望廣德湖

桃源二月春風起是處穠華有桃李調笑聞聲不見人  
遊人只在華山裏華山逋客來何遲隱隱茶林隔煙水  
滿眼相思寄碧雲獨立城南望山紫

送韋太守

四明山水東南表海嶠背上三仙島麗譙高逼斗牛寒



一曲梅花萬家曉太守文章建安骨爽氣冷侵寒月窟  
雌堂水洗火符空明光卻擁荷囊笏有客醉圍雙鬢老  
宦情文意如秋草紫雲夢斷玉龍飛年年送客西城道  
曾是野亭同開柳綺裘紗帽金船酒長安宮闕九天邊  
肯爲江籬回首否

已上乾道圖經

詠蔗

瑤池宴罷王母還九芝飛入三仙山空餘絳節留人間  
雲封露洗無時間旄落盡何爛斑野翁提攜出茅管  
吳刀戛戛鳴雙環截斷寒水何潺潺相如賦就空上林

舒堽臺詩文存

卷一

六四明叢書

約園刊本

倦遊渴病長相侵劉伶愛酒眞荒淫狂來欲倒滄溟深  
此時一嚼輕千金壚邊何用文君琴五斗一石安足斟  
坐想毛髮生清陰蕭瑟甘滋欲誰釀榼梨橘袖紛殊壯  
冷氣相射杯盤上顧郎不見休惆悵佳境到時還不妄  
詩成雖媿陽春唱全勝乞與將軍杖

合璧事類別集

五律

和馬粹老四明雜詩聊記里俗耳十首

百粵喧譁外三江指顧中耕桑遺俗在草木故城空

鄮

也郭近澤知田美俗重近澤田多魚驗海豐由來形勢地越絕

控遼東

澄水鋪千練平山伏萬犀月橋蓮棹小春圃酒旗低蓬

烏雲長在邑有蓬萊鄉古史云金銀爲宮闕望之如雲桃源客不迷風流未

寂寞遊屐半香泥

御史平囚日平囚時在郡樓下郎中渡母年今謂渡母橋豐碑推筆

妙二碑皆名書孤冢枕城偏汝南孝子墓在焉白鶴空遼沈黃蒿尙

蔓延九原如可作執馭故忻然

箔蠶迎豆熟俗有蠶豆江雪伴梅消抵虎螯經夏里語八月蟪蛄可抵

虎跳沙蛤趁潮里語有跳沙蛤酒罌雙印貴俗重雙魚印酒藥肆萬金

舒嫺詩存卷一 七四明鼓書 約圖刊本

饒謂馮樓也未覺西風遠三溪好採樵慈溪小溪

巷陌隨橋曲閭閻占水窮郡樓孤嶺對古謂鎮明嶺市港兩

潮通閩在城東隅春暖雞鳴舉在慈溪秋寒鴨信風江湖所呼家家

人富足擊壤與吾同

歲熟不論黍俗以二束爲一束人歸夜擊鐘金澄沙底水龍臥

井邊峯金沙龍井皆在育王山香火長存社俗結金光明金剛社魚鹽每奪

農年來練帛賤砧杵萬家春

稻飯雪翻白魚鱗金鬪黃結埼干蚌熟在奉化花嶼一村

香在慈溪海近春蒸溼湖靈夜放光廣德湖每現光采北窗休寄

做大隱卽吾鄉

大隱山乃楊適先生所居之處

禽孝傳居俗

禽孝鄉在奉化

風癡動浹旬

靈鰻旱天雨井也聖

米歉年萼

凶年萼根爲聖米

江漲長如海冬溫恰似春雞豚道

伏臘行路亦情親

佛磬雲中寺樵歌郭裏湖城居蔭楊柳野寇息荏蒲巫

語傳杯琰漁蓑入畫圖幽香花滿谷不趁雪霜枯

蓮閣紅堪掣瀾池靜不流

池在府前

梯航紛絕徼冠蓋錯中

州高麗比入貢多使者

草市朝朝合

四郭皆有市

沙城歲歲修

邦人爲郡城雜

易顏

雨前茶更好半屬買船收

舒嫺詩存

卷一

八四明叢書

約園刊本

### 題福源院

地占靈龜背山橫小嶼頭一橋雲借路雙沼月分秋竹

影搖虛室松煙著曉樓殘鐘誰共聽空籟更颯颯

### 題尊教院

竹砌緣寒渚松蹊藉綠苔樓臺隔林見花木帶雲開溪

阜常流水峯青自隱雷月華幾萬頃誰棹酒船來

### 香山野步二首

龍護空堂鉢雲籠古殿燈經窗僧待月茶井客敲冰驚

雁回峯影疏星亞塔層心清更無睡未羨杜郎能

老杜宿贊

公房有燈影  
照無睡之句

空潮寒採月高齋客聚星霜分破窗白山獻隔簾青窺

水知僧定占雲識地靈時時驚鶴夢木葉下危亭

已上乾道圖經

題桃源書院

案桃源志目作吳桃源先生

三月桃源路先生安在哉青衫尙顏色蜂蟬已塵埃白  
鶴山雲暗金雞洞鎖開神遊追不返巒嶽自崔嵬〇〇

七律

和遊棲真寺見寄

曾是談經一草堂千年金碧欲飛颺頂峯有路青天近

舒頌堂詩文存 卷一

九四明叢書

約圖刊本

絕壑無塵赤日涼月底露驚猿鶴夢雲中風動薜蘿香  
芝筴茶竈平生念遙謝仙人白羽觴

和西湖卽席二首

金碧樓臺閣暮煙彩虹雙影臥漪漣雲鋪物外無塵地  
月滿人間不夜天細柳千門維畫舸華燈兩岸度鳴絃  
清狂亦有黃冠客不負仙人載酒船

十洲風簾韻筆蕭疑有仙人燕碧桃影逼銀河星半墮  
氣吞月窟兔爭豪九秋波浪沙鷗狎萬古功名釣艇高  
卻恨何須明似鏡空令志士泣霜毛

雨中遊仗錫

何人仗錫過千峯，雨裏風煙轉不窮。  
暗壑水聲清泱泱，深巖花氣溼濛濛。  
遙知雪嶺開亭近，舊說雲鄉有路通。  
自恨青鞋踏城郭，仙遊長在夢魂中。

遊雲湖過香山偶成二首

去路蹇騰逼紫霄，何年鳧舄墮王喬。  
暗峯藏雨皆龍窟，靈草含霜半藥苗。  
已覺山衣雲撲撲，還疑風鬢雪蕭蕭。  
捫蘿更上峯巖頂，下視滄溟百水朝。

鍾嶸詩存

卷一

十四明菴書

約園刊本

落葉飄紅上客衫，果熟遙看猿渡澗。  
風號定想虎離巖，長天自有無窮景。  
未信西岡日半銜。

和劉蘊翁留題惠客一首

壽鏞按四明古蹟詩錄第一首題曰青山

塢雲過雨翠成堆，天淡平湖一鑑開。  
萬木號風韻絲竹，千峯帶月上池臺。  
靜無俗駕金鋪地，開有高人玉滿杯。  
聞道碧桃看欲發，劉郎何事不歸來。

十里松行翠插天，暗溪嫩草半芊綿。  
笙歌自滿蕭郎宅，琴鶴空隨賀老船。  
未分舊遊雲寂寞，遙知歸夢蝶聯翩。  
故山幸好宜回首，還見人間換一年。

和新開西湖十洲之什

洗出煙華紫翠勻再將絕景付重闔  
千山有影螺垂地一水無塵鏡照人  
香濺釣筒萍雨夜綠搖花塢柳風春  
杖藜盡日滄浪興時有幽人岸白綸

秋宴十洲閣

綠玉手持尋五嶽正應未識海邊洲  
倚欄花木參差見對岸笙歌次第遊  
煙霏多疑九峯曉波平全勝六鼉浮  
仙風坐隔紅塵路消得丹青詭此州

和樓試可遊育王

每嫺詩存

卷一

十一四明叢書

約園刊本

參天松柏綠陰陰古佛巖前一路深  
猿鳥不驚如有舊雲山相對自無心  
數泓寒水雲藏雨十里輕沙地布金  
杖履更知非世境上方日日海潮音

題鄞江

地吞越絕海分深渺渺平流萬馬駁  
早晚渡船潮有信往來鷗鳥客無心  
寒空倒影千山動暖日澄波萬籟沈  
安用魚龍閒養蠶平時春雨自成霖

題西山雙乳泉

石眼雙開白欲漫潺湲更傍碧琅玕  
地饒爽氣全無滓

天借靈源雨不乾  
曉月自分雲外潤  
午茶誰鬪雪中寒  
孝先多睡相如渴  
始把清甘乞取看

題靈鰻廟三首

繞塔想曾隨白馬

父老云此龍為護塔神

蟠泥故復傍金沙  
旱天

霹靂長平地樂歲  
汗邪每滿車受賜  
由來千里境論封  
消得萬人家朱門  
便是金塗榜未負  
風雲在一涯

絕境朱丹新棟宇  
深山靈響雜虬蛇  
黃金地底應千歲

古記云金千歲有龍

甘雨人間幾萬家  
西域不勞方士呪

西域方士能呪

者臨川馬步吹氣龍即浮出見抱朴子

南州重識使君車

後漢百里嵩為隨州刺史行部

每題靈鰻廟

卷一

十三四明叢書

約園刊本

雨帆老農爭賽豐年社  
古木蕭蕭自曉鴉

亘古人間蒙潤澤  
數泓雲底貯清泠  
功將名並山無泐  
道與人尊地轉靈  
曉殿千家供香火  
旱天萬里入風霆  
誰知別有醍醐味  
行路憧憧半未醒

題香山湯禪師

千古神僧舊石扁  
清風如在地還靈  
溪形偃月無窮碧  
山氣當雲不改青  
果熟扁猴時嘯聚  
錫飛巖穴尚芳馨  
西來祖意誰人間  
老柏森森翠滿庭

題蒙堂

由來去住不相關，贏得隨緣到處閒。  
笑出海雲飛一錫，行分江月過千山。  
微言定許誰人叩，勝事偏於俗士慳。  
咫尺蒙堂隔霄壤，城東搔首只空還。

題翠巖丈室

別移寶所出埃塵，無限金光欲照人。  
斤斧不驚龍象伏，棟梁特地水雲新。  
千峯坐斷人間路，一榻分來月裏身。  
更著須彌師子座，未饒摩詰妙通神。

題明月堂

郢匠由來巧運斤，清光那復隔纖塵。  
九秋萬里雲頭路，半夜千峰頂上人。  
坐見乾坤入肝膽，陡驚草木亦精神。  
應憐赤水尋珠客，白日茫茫尙問津。

題五峯兼簡英禪師

何人縮地海東偏，靈嶽分來不計年。  
幾見彩雲爭照日，直疑仙掌欲擎天。  
依稀故國松千尺，迤邐前山石一拳。  
四面開軒看不足，老僧時立碧溪前。

題天童

日日青鞋踏白沙，未應泛艇卽靈槎。  
雨溪清越鳴哀玉，風蔓蜿蜒動暗蛇。  
曉潤芝筵挑秀出，午香茶竈煮蒼芽。



玲瓏仙客知何在千古煙霞自一家

題布袋和尚

休話人間我獨尊何妨蹇蹇且隨羣乞錢往往多空手  
問路時時向白雲壁上形容圖尙在囊中氣味許誰分  
分明提起無人問欲會應須眼裏聞

題靈橋門

危樓清迥立江風紫邏紅旗落日中暑雨泃溪來浩蕩  
暮煙洲渚隔朦朧歡聲不厭重城近霽色遙知秀野豐  
滄海一時傳麗句天才真是杜陵翁

已上乾道題

符類彙考

卷一

十四四明叢書

約園刊本

題雲湖慶安院

門前屏障遶潺湲付與林僧夜定還松蓋作雲連十里  
竹籠行雨出千山白公香火蓮紅後謝氏池塘草碧間  
我亦鳳凰池上客圖閑卻笑未能閒

至正四明續志

登五磊山

五磊峯高筆插天長松合抱幾千年塵氛灑落非人世  
香霧氤氳近月邊枕上敷聲敲夜磬山前百畝起春田  
我來獨步蒼苔色不著籃輿兩兩肩

延祐志

和石尉早梅

霜林盡處碧溪傍，小露檀心媚夕陽。天下三春無正色，人閒一味有眞香。相思誰向風前寄，更晚那辭雪後芳。朝夕催人頭欲白，故園正在水雲鄉。

蘇軾全津誌

案四明志微云：此詩后村千家詩題作梅花無後四語。三春三分一絕云：依然相見故山傍。半倚牆陰半倚陽。短笛樓頭三弄夜，前村雪裏一枝香。

五絕

翠光亭

四山煙雨收，雙沼漾晴碧。白鳥忽飛來，點破簷前色。

延詒志

俞頌堂詩存

卷一

十五四明叢書

約園刊本

赤隴山

野草如排戟，山花似列屏。維舟一登覽，誤入小蓬瀛。

七絕

和劉琨西湖十洲

花嶼

暖吹紅紫上青枝，掠水風煙巧自持。蜂蝶鷓鴣各芳意，

錦囊消得探春詩。

芳草洲

小雨如酥露乍晞，曉花汀柳自相依。畫橋不礙尋春屐，

謠傍煙波拾翠歸

柳汀

困倚滄波綠動搖冷煙疏雨共蕭條誰將輕薄嬌春態  
強拂人頭向市橋

竹嶼

欲問葛陂安在哉端疑波底化龍來子猷此興君知否  
小徑何妨卷竹開

煙嶼

著淡寒蘆不見花暗藏鷗鷺啄晴沙暖風吹起渾無定

香嬾堂詩集卷一

十六四明叢書

約園刊本

半落僧窗半落槎

芙蓉洲

照水枝枝蜀錦囊年年澤國爲誰芳朱顏自得西風意  
不管清秋昨夜霜

菊花洲

懶對陶家酒甕開東籬寂寞久風埃會須結取登高客  
折上龍山醉帽來

月島

何人騎鶴上瀛洲清影明波正九秋吹罷玉笙端不見

滿空桂子有誰收

雪汀

點柳妝梅不暇裁  
平波直擬湧瑤臺  
釣磯葦岸知何許  
幾誤漁舟夜半來

松島

亭亭古幹對滄浪  
雨洗風飄老更香  
晚歲何人同寂寞  
水西我有讀書堂

遊翠巖山

桃源深處一招提  
門對寒雲路繞溪  
長使千峯光景動

每憶讀書堂

卷一

十一

松島刊本

未應洞裏老金雞

遊大梅護聖四首

萬壑聲中柏子煙  
高僧日日看雲眠  
當年象虎今何在  
千古寒堂一鐵鞭

仙去人間地轉靈  
蛟龍合處谷風生  
誰知雲霧千峯頂  
長作青天霹靂聲

流水山間無盡時  
登臨到處與心期  
世人只愛桃源好  
梅熟山間怎得知

雞犬同時亦上昇  
赤雲今日幾人行  
我來正唱昇平曲

不用山間變姓名

遊灌頂三首

十里曾聞一嘯聲當年猿鶴想猶驚白雲不礙青天路  
贏得重來擺手行

萬松偃蹇插雲根四面諸峯盡子孫日日飛煙雲霧斂  
不妨掌上看乾坤

雪頂胡僧眼覩天只應風月是生緣那知坐作人間雨  
千丈巖頭一道泉

歸郡書金峨二首

舒頌畫詩存 卷一

大 四明叢書

約 周刊本

叱咤滄溟雪浪空鯨鯢騎去杳亡蹤鍊丹井畔春蕭索  
知在蓬萊第幾重

又入西湖醉過春嶺頭猿鶴幾時間無端雨意隨人去  
直恐衣巾盡是雲

含珠林

萬箇松山一顆珠老僧心手最工夫冷光長在千峯頂  
誰道人間夜月孤

題天王院內鑑堂

等是人間出世人數他珍寶信非珍茫茫白日誰回首

此處元無一點塵

福勝院

蒼崖赤壁聳嶠嶽長者何年爲布金卻憶樵風生乳竇  
萬松回合兩龍吟

湖心寺偶書

吹落清香縹緲風樓臺鬢水邊紅人間誰是丹青手  
畫取春湖細雨中

題寶林院瓊閣黎房

山農未用踏溝車一穴靈泉陰萬家香積從今飽樽施

符續遺詩卷一

十九四明叢書

約園刊本

會看講夜落天花

題法喜院是院一瓦一木皆自能師手而師丈室

惟布衾木枕無復長物卽之坐龐肩皓頂泊然似

不能言者無乃真有道者邪

抱山重屋兩迴廊杉檜如雲百尺長香火他年誰第一

老師辛苦頂如霜

了無情解作攀緣一鉢三衣只兀然坐對青山不知老

學人休問祖師禪

太白峯

千峯下視盡兒孫僊事寥寥不可聞長作人閒三月雨  
請看膚寸嶺頭雲

峯頂常有雲氣祈雨輒應

### 太白庵

何年杖錫此徘徊天上眞官爲我來芝圃鶴歸香火冷  
石基空銷舊莓苔

### 玲瓏巖

詭形迴與萬山殊空洞由來一物無直恐虛心自天意  
人間穿鑿枉工夫

### 響石

舒嫺堂詩存

卷一

二十四

約園刊本

淵明休弄沒絃琴混沌中含太古音聞說幾回風雨夜  
四山渾作老龍吟

### 龍池

靈蹤聊寄數峯雲雨意白雲白晝昏不用高僧時呪鉢

一泓長貯萬家村

### 虎跑泉

一嘯風從空谷生直教平地作滄溟靈山不與江心比

誰會茶仙補水經

### 佛蹟

蒼崖絕壁印苔痕陳跡千年尙似新杖屐紛紛走南北  
幾人不是刻舟人

臨雲閣

高僧終日笑憑欄亦似無心懶出山幾度海風吹雨散  
坐看綠翠落人間

春樂軒

隔水巖花紅淺深花邊相對語幽禽管絃不到山間耳  
誰會憑欄此日心

宿鷺亭

笠澤詩存 卷一

王四明叢書

約園刊本

雲過千溪月上時雪蘆霜葦冷相依正緣野性如僧癖  
肯爲游魚下釣磯

已上乾道圖經

村居

案光緒慈溪志目上有大隱二字

水繞陂田竹繞籬榆錢落盡槿花稀夕陽牛背無人臥  
帶得寒鴉兩兩歸

墨莊漫錄

蘆山寺

雲山流水水中山盡日青藜共往還更向僧房看圖畫  
不知身在畫圖間

別開小徑入松關半在雲間半雨間紅葉滿庭人倚檻



一池寒水動秋山

昨日南山今北山山南山北幾時還世人只道僧閒好  
未必僧閒似我閒

老來漫有愛山心酒少茶多卻不禁一夜上方歆客枕  
隔窗自伴冷猿吟

山水連村不見村冥冥細雨溼萸昏秋山咫尺無人到  
須信閒人不用門

山空水落見遙村取次人家只隔雲一陣西風雨中過

溪頭笑語隴頭聞

天啓慈谿縣志

鐘巖寺詩存 卷一

三四明叢書

約園刊本

### 崇福寺

龕鏡隱隱夜初分落果猿啼枕上聞客夢欲成成不得  
一窗殘月半牀雲

### 夢入天宮

天風吹散赤城霞染出連雲萬樹花誤入醉鄉迷去路  
旁人應笑卻還家

### 瑞巖寺

十二峯頭月未央天風吹下紫芝香我來分得僧清致  
布衲蒲團一草堂

題明覺寺在在堂

一溪高自撲巖來寺在巖腰水抱回林下老僧相顧笑  
柴門今始爲君開

高低深淺逐陰晴一簇林巒畫不成誰道青山怕雲點  
白雪點處轉分明

四山面面玉成圍只許閒雲去又歸更有小軒人不到  
落花狼籍點苔衣

榛棘叢中舊草堂千年誰復辨興亡纍纍付與張儀印  
珍重空中一炷香

舒嬾堂詩存 卷一

玉圃明叢書

約園刊本

枉將風月惱肝脾懶復雕鐫出小詩盡日焚香面山坐  
捲簾時與夜僧棋

小白山前大白山兩山強坐屬僧閒何時卜築三椽地  
黃帽青鞋日往還

已上延祐志

香山

抖擻軒裳一闕塵任教空翠滿烏巾老身已到籃輿上

處處青山是故人

雍正慈谿縣志

舒頤堂詩文存卷二

宋慈溪舒 尊信道撰 鄧張壽鑄輯

詩餘

樂府雅詞本

散天花

次師能韻

雲斷長空葉落秋寒江煙浪靜月隨舟西風偏解送離  
愁聲聲南去雁下汀洲 無奈多情去復留驪歌齊  
唱罷淚爭流悠悠別恨幾時休不堪殘酒醒憑危  
樓

點絳脣

湖上聞樂

舒頤堂詩文存

卷二

一四明叢書

約園刊本

紫霧香濃翠華風轉花隨輦洞天雲暖一片笙歌遠  
水殿龍舟憶待瑤池宴閒庭院夢回春半雪鬢無人見

臨江仙

送鄭令李易初

折柳門前鸚鵡綠河梁小駐歸船不堪華髮對離筵孤  
村啼鳩日深院落花天 文采弟兄眞疊玉赤霄去路  
誰先明朝便恐各風煙江山如有恨桃李自無言

醉花陰

試茶

露芽初破雪腴細玉纖纖親試香雪透金瓶無限仙風  
月下人微醉 相如消渴無佳思口知君此意矢口老

盧耶花底春寒贏得空無睡

前調 越州席上官妓獻梅花

月幌風簾香一陣正千山雪盡冷對酒樽傍無語含情  
別是江南信 壽陽妝罷人微困更玉釵斜襯擬插一  
枝歸只恐風流羞上潘郎鬢

虞美人 寄公度

芙蓉落盡天函水日暮滄波起背飛雙燕貼雲寒獨向  
小樓東畔倚闌看 浮生只合樽前老雪滿長安道故  
人早晚上高臺贈我江南春色一枝梅

舒頌詩存 卷一

二四明叢書

約園刊本

前調 周圍欲雪

酒邊陡覺羅衣暖獨倚黃昏看寒鴉兩兩下樓東蒼處  
暗雲垂地一重重 紅爐歡坐誰能醉多少看花意謝娘  
也擬殢春風便道無端柳絮過簾櫳

前調 蕪園醉歸

重簾小閣香雲暖黛拂梳妝淺玉簫一曲杜韋娘誰是  
蘇州刺史斷人腸 醉歸旋撥紅爐火卻倚屏山坐銀  
缸明滅月橫斜還是書樓角送小梅花

醜奴兒 次師能韻

一池秋水疎星動寒影橫斜滿坐風花紅燭紛紛透絳紗  
江湖散誕扁舟裏到處如家且盡流霞莫管年來  
兩鬢華

一落索 春

葉底枝頭紅小天然窈窕後園桃李漫成蹊能占得春多  
少 不管雪消霜曉朱顏長好年年若許醉花閒待拼  
了花閒老

前調 蔣園和李朝奉

正是看花天氣爲春一醉醉來卻不帶花歸誰不解看

舒嬾堂詩存 卷二

三四明叢書

約園刊本

花意 試問此花明媚將花誰比只應花好似年年花  
不似人憔悴

滿庭芳 重陽節席上次元直韻

寒日穿簾澄江憑欄練光浮動餘霞寥汀蘆岸黃葉襯  
孤花天下征帆隱隱殘雲共流水無涯登臨處瓊枝漱  
澗風帽醉欹斜 豐年時節好玉香田舍酒滿漁家算  
浮世勞生事事輸他便恁從今酌酎休更問白雪籠紗  
還須仗神仙妙手傳向畫圖誇

前調 後一日再置酒次馮通直韻

紅葉飄零寒煙疎淡樓閣半在雲間望中風景圖畫也  
應難又是重陽過了東籬下黃菊開珊瑚陶潛病風流載  
酒秋意與人閑 霞冠欲倒處瑤臺唱罷如夢中還但  
醉裏贏得滿眼青山華髮看看滿也留不住當日朱顏  
平生事從頭話了獨自卻憑欄

前調

送權府蘇臺道宗朝奉

聞闔天門芙蓉春殿幾年目斷難翹短蓬秋鬢端幸倚  
瓊瑤南圃花邊小院西湖畔雲底雙橋歸時節紅杏露冷  
月影上芭蕉 明朝那可望旗亭煙草柳渡寒潮但萬  
戶千門恨客歌樵戲綵光浮袞繡鳴柯響逼雲霄應回  
首綺裘醉客還是獨吹簫

卜算子

音

池臺小雨乾門巷香輪少誰把青錢襯落紅滿地無人  
掃 何時鬪草歸幾度尋花了留得佳人蓮步痕弓樣  
鞦兒小

弓一作窩

菩薩蠻

三年江上風吹淚天桃豔杏無春意今日欲開眉那堪  
更別離 莫折長亭柳折盡愁依舊只有醉如狂人生

空斷腸

前調

畫船撾鼓催君去高樓把酒留君住去住若爲情西江  
潮欲平江潮容易得卻是人南北今日此樽空知君  
何日同

前調

畫簷細雨偏紅燭疎星冷落排寒玉賭得碧雲篇金波  
更涉船樽前當日客行色垂楊陌天闊水悠悠含情  
獨倚樓

舒頌謫存 卷一

五四明叢書

約園刊本

前調

杜鵑啼破江南月香風撲雨吹紅雪賦就縷金牋黃昏  
醉上船年華雙短鬢事往情何盡明日各天涯來春  
空花好

前調 次劉郎中賞花韻

朱簾乍捲層煙起露華深淺初疑洗困倚玉闌風綺羅  
知幾重向人如有意不醉何時醉便得一枝紅猶勝  
兩鬢空

前調 席上送寅亮通直

小池山額垂螺碧綠紅香裏眠鷓鴣波面翠雲開仙棹  
天上來 吹將紅日落懊惱城角風月此時情知君  
華髮生

前調

送奉化知縣秦奉議

一回別後一回老別離易得相逢少莫問故園花長安  
君是家 短亭秋日晚草色隨人遠欲醉又還醒江樓  
暮角聲

前調

樽前休話人生事人生只合樽前醉金盞大如船江城

卻憶舊時存

卷一

六四明叢書

綺園刊本

風雪天 綺窗燈自語一夜芭蕉雨玉漏爲誰長枕衾  
殘酒香

前調

樓前流水西江道江頭水落芙蓉老畫鼓疊涼波憑欄  
繫翠娥 當年金馬客青鬢蘆花色把酒感秋逢驪歌  
半醉中

前調

綺櫳深閉桃園曲劉郎老向花間宿笑臉抹流霞心知  
是小色 纖纖垂素玉掠鬢春雲綠彈了醉恩仙小窗



紅日偏

前調

柳橋花塢南城陌  
朱顏綠髮長安客  
雨後小池臺尋常  
載酒來  
馬頭今日路  
卻望城西去  
斜日下汀洲  
斷雲和淚流

前調

次張秉道韻

眞珠酒滴琵琶送  
行雲舊識巫山夢  
空得醉中歸  
老來心事非  
江梅含日暖  
照水花枝短  
密葉似商量  
向人春意長

舒嬾堂詩文存

卷一

七

四明叢書

約園刊本

前調

小亭露壓風枝動  
鵲爐火冷金瓶凍  
悄悄對西窗  
瘦知羅帶長  
欲眠思殢酒  
坐聽寒更久  
無賴是青燈  
開花故故明

前調

流年又見風沙送  
鈞天回首清都夢  
塞雁幾時歸  
鏡中雙鬢非  
綠袍同冷暖  
誰道交情短  
愁斛若爲量  
還隨一綫長

前調

次瑩中元歸韻

白蘋洲渚垂楊岸藉花未放青蒲短斜日畫船歸背人  
雙鷺飛 醉眠金馬客不道風塵隔紅影上窗紗小庭  
空落花

前調 湖心寺席上賦茶詞

金船滿引人微醉紅綃籠燭催歸騎香泛雪盈杯雲龍  
疑夢回 不辭風滿腋舊是仙家客空得夜無眠南窗  
衾枕寒

前調 別意

江梅未放枝頭結江樓已見山頭雪待得此花開知君  
舒頌詩文存 卷二 八十四明叢書 約園刊本

來未來 風帆雙畫鷁小雨隨行色空得鬱金裙酒痕  
和淚痕

前調 次韻

香波綠暖浮鸚鵡黃金捍撥天絃語小雨落梧桐簾櫳  
殘燭紅 人生閑亦好雙鬢催人老莫惜醉中歸醒來  
思醉時

前調

綠窗酒醒春如夢小池猶見紅雲動露溼井幹桐翠陰  
生細風 雨過芳塘淨清晝閑中永門外立雙旌隔花

聞笑聲

前調

憶曾把酒賞紅翠舞腰柳弱歌聲細縱馬杏園西歸來  
香滿衣 寶車空轎駐事逐孤鴻去搔首立江干春羅  
掛暮山

蝶戀花

置酒別公度座間探題得梅

雪後江城紅日晚暖入香梢漸覺玲瓏滿髮影臨風妝  
半面冰簾斜捲誰庭院 折向樽前君細看便是江南  
寄我人還遠手把此枝多少怨小樓橫笛吹腸斷

舒嬾堂詩存

卷二

九四明叢書

約園刊本

前調

深炷薰爐局小院手撚黃花尙覺金猶淺回首畫堂雙  
語燕無情漸漸看人遠 相見爭如初不見短鬢潘郎  
斗覺年華換最是西風吹不斷心頭往事歌中怨

減字木蘭花

用舊韻戲吳奉議

眉山斂額往事追思空手拍雁字頻飛生怕人來說著  
伊 閑拋繡履愁殢香衾渾不起莫似揚州只作尋常  
薄倖休

前調

賦錦帶

碎紅如繡搖曳東風垂綵綬擬倩柔條約住佳人細柳  
腰 蜀江春綠爭似枝頭能結束纖手攀時欲綰同心  
寄與誰

木蘭花

次韻贈歌妓

十二欄干寒畫箔取次穿花成小酌綵鸞舞罷鳳孤飛  
回首東風空院落 杳杳桃源仙路遙晴日曉窗紅薄  
蕩傷春還是懶梳妝想見綠雲垂鬢脚

前調

別意

金絲絡馬青錢路笑指玉皇香案去點衣柳陌墮殘紅

舒頌壽存

卷二

十四明叢書

約園刊本

拂面風橋吹細雨 曉釵壓鬢頭慵舉恨裏歌聲兼別  
苦西湖一頃白菱花惆悵行雲無覓處

前調

蔣園口號

琉璃一片春湖面畫舫遊人簾外見水邊風嫩柳低眠  
花底雨乾鶯細囀 鞦韆寂寂垂楊岸芳草綠隨人漸  
遠一番樂事又□□金盞莫辭紅袖勸

浣溪紗

次權中韻

燕外青樓已禁煙小寒猶是薄勝綿畫橋紅日下秋千  
惟有尊前芳意在應須沈醉倒花前綠窗還是五更

天

前調 和葆光春曉飲會

金縷歌殘紅燭稀梁州舞罷小鬟垂酒醒還是獨歸時  
畫棟日高來語燕綺窗風暖度游絲幾多綠葉上青  
枝

前調 和仲聞對茶

黑白紛紛小戰爭幾人心手鬪縱橫誰知勝處本無情  
謝傅老來思別墅杜郎閒去憶廬兵何妨談笑下遼  
城

蘇嬾堂詩存 卷一

十一 四明叢書

續周刊本

前調 勸酒

雨洗秋空斜日紅青葱瑤轡玉玲瓏好風吹起□江東  
且盡紅裙歌一曲莫辭白酒飲千鍾人生半在別離  
中

前調

□□□□點碧塘雨荷風捲綠羅裳管絃□□□魚榔 游  
女漫能歌白紵使君不學野鴛鴦桃花空解悞劉郎

鵲橋仙 呂使君餞會

教來歌舞接成桃李盡是使君指似如今裝就滿城春

忍便擁雙旌歸去 鶯聲巧嚙花心爭吐無計可留君  
住兩堤芳草一江雲草晚是西樓望處

舒頤堂詩存 卷二

十一

四明叢書  
繪圖刊本

舒頤堂詩文存卷二

錄校輯宋金元人詞舒學士詞目錄後趙萬里附記

按舒學士集久佚其詩餘載樂府雅詞凡四十八首江山劉毓盤先生嘗云於范氏天一閣見舒學士集十卷錄其詞一卷校以雅詞多醉花陰送陸宣德一首此說也余頗疑之按送陸宣德一詞始見於梅苑與月幌風簾一首銜接不注撰人歷代詩餘誤以爲舒作不圖與天一閣本適合以梅苑原文校之文字又不盡同此不可解也檢阮元天一閣書目及薛福成天一閣見存書目均未見有舒學士集果范氏藏書有出於目外者也

舒嬾堂詩存

卷二

三四明叢書

約園刊本

子萬里記

附錄

醉花陰

送陸宣德

梅苑無題

粉輕

梅苑作嫩

一捻和香聚教露華休妬今日在尊前只爲

情多脈脈都無語

西湖雪過難留

梅苑作留難

指廣寒歸

去去後又明年人在江南夢到花深

梅苑作開花處

歷代草粹編同

詩餘一

十三

舒頤堂詩文存卷三

宋慈谿舒 直信道撰 鄞張壽鏞輯

記銘

翠巖山寶積院輪藏記

有大寶珠藏於無朕辯如喫詬無所措言明若離朱莫能寄目眾生積業墮在無明我佛如來慈悲哀愍以身圓應俯視羣機於無相中發露光影重重接引遂有多門結集流傳卽經律論護持開示世不乏人鄞嶺翠巖院名寶積有長老者曰智才師於佛事門不拾一法廣

募檀信鳩集眾工繕寫奉安建爲輪藏自丙辰歲迄戊子年凡閱三冬能事告畢有一居士施不及財目覩勝緣五體投地恭敬作禮而發願言願諸眾生覩相生想令一善念念不停如是輪藏無暫休歇以至八部一切諸天在家出家善知識等若聞若見發大道心亦是輪永不退轉則是藏也無量功德天上人間窮劫讚歎豈能盡云

西湖記

湖在州城之西南隅南隅廢久矣獨西隅存焉今西湖



是也其縱南北三百五十丈其橫東西四十丈其周圍總  
七百三十丈有奇其中有橋二絕湖而過曰憧憧天禧間  
直館李侯夷庚之所建也然僻在一隅初無遊觀人跡往  
往不至嘉祐中錢侯君倚始作而新之總橋三十丈橋之  
東西有廊總二十丈廊之中有亭曰眾樂其深廣幾十丈  
其前後有廡其左右有室而又環亭以爲島嶼植花木於  
是遂爲州人勝賞之地方春夏時士女相屬鼓歌無虛日  
亭之南小洲前此有屋纔數椽乃僧定安守橋之所後浸  
廣今遂以爲僧院壽聖是也其西又有佛祠四并其東皆  
鄉士大夫之所居其北有紅蓮閣大中祥符中章郇公嘗  
倅是州實勅之有記在焉閣之北卽郡酒務故時使人卽  
湖以汲水勞費甚乃隄湖之中畜清流作樓於其上以輓  
轆引而注之至今以爲便然是湖本末圖誌所不載其經  
始之人與其歲有皆莫得而考蓋嘗聞之父老明爲州潞江  
而帶海其水善泄而易旱稍不雨居民至飲江水是湖之作  
所以南引之山之水畜以備旱歲始末之信也熙寧中歲大  
旱闔境取給於其中湖爲之竭旣又穴爲井置廬以守之鄞  
令康君大寧嘗記其事刻石於壽聖院乃知父老之傳不謬

也錢侯去距今幾三紀矣而湖輒浸廢不治其亭南既隄以爲放生池瀕湖之民又緣隄以植菱芡之類至占以爲田淀淤蕪沒幾不可容舟元祐癸酉劉侯純父來守是邦適歲小旱乃一切禁止而疏浚之增卑培薄環植松柳復因其積土廣爲十洲而敞壽聖之閣以其名名之蓋四時之景物具焉湖遂大治然其意初不在遊觀也古人於事蓋不苟作惟其利害伏於久遠難知之中所以後世貴因循者或莫之省而好功之士至樂爲之紛紛也明有數湖危於廢者不特是湖也若劉侯可謂有志於民矣故具論之以冠諸圖庶來者有考焉元祐甲戌三月

西湖引水記

按州圖經鄞縣南二里有小湖唐貞觀中令王君照修也蓋今俗里所謂細湖頭者乃其故處焉湖廢久矣獨其西隅尙存今所謂西湖是矣明爲州瀕海枕江水難蓄而善泄歲小旱則池井皆竭而是湖所以南引它山之水爲旱歲備也熙寧乙卯歲大旱湖輒涸建中靖國改元之夏秋不雨湖又涸民渴甚至穴窓下濾穢滓以飲

而國家將有事于郊丘上供之舟復阨不得進公私交  
病上下狼顧漫不知所爲策者州於是以其事屬監船  
場宣德郎唐君君卽由南門道河上凡八十有五里抵  
所謂它山堰者躊躇相視遂盡得其利病蓋所謂它山  
者四明之眾山萃焉一山作雨則澗壑交會出爲漫流  
方歲小旱眾山未必皆不雨而溪流未必遂絕也特河  
勢中窳循兩堤率支渠釀泄以去以故不得行蓋非特  
天時之罪也君既得其所以爲利病審不疑矣乃屬民  
盡堙諸渠口而稍浚上源因以其土窒補堰隙復累石

於其上以遏入江之羨流於是水稍引以北顧獨距城  
十數里河赤地裂深尺餘凡邦之人莫不皆謂水無可  
行之理要非淹旬積雨莫能濟也君謂審如是豈人力  
所能及哉頗聞善政王侯實始作堰以茲水賜其拜人  
廟貌固在焉其能漠然乎卽爲民致禱焉一昔而水輒  
薄城下不數日湖流漫然至清冽可食而行舟於河不  
復留礙臺稚驢叫里巷相屬一方遂以無虞噫侯一何  
異哉雖然前此湖蓋嘗涸矣無有能發其利者發其利  
自宣德君始君誠善其始矣顧非侯以相之則莫能善

其終蓋宣德君身筮庫之責而能用意勸民之事侯生  
既施勞於人而沒猶爛爛如此蓋皆可謂有志於民而  
與夫世之任人責而不思憂視民災而莫知救者顧可  
同日而語哉侯諱元暉史不傳不知何許人也唐大和  
中實令是邑得之父老自它山以北故時皆江也谿流  
猥并與潮汐上下水不蓄泄旱潦易災侯爲視地高下  
伐木斲石橫巨流而約之率三天江七裏於河漑田凡八  
百餘頃其功利溥矣故民至今祠之宣德君名意字居  
正江陵人也乃祖若父以風節文章聞天下而君清直強學

不苟於其職克似其家世者也既德侯之賜不敢忘斥  
金以致飾其像設矣又屬余以紀其事余以謂天時之  
不常久矣安知歲不旱而湖無涸乎故具論如此且以  
著二君之志而因以告夫後來者使有考焉冬十月吉  
記

水利記一 案卽風壩碑記

鄞於明爲劇縣占鄉十有六而公私之田無慮幾萬頃  
其瀦以蓄待灌溉者既無幾而凡所以爲扞防釀導之  
具更又忽不時省頽漏廢圯十或八九不幸天時稍愆

亢則其涸可立待而民輒病間無如何注江流以趨一時之急且鹹鹵至腐敗諸苗稼積不已往往田遂瘠惡遂廢不足耕種不可下光祿虞大夫爲邑於此始與民圖之卽北渡之西面風壩積石爲礮以卻暴流納淡潮旣又自州之西隅距北津䟽淀淤之舊增卑培薄以實故堤而作閘於其南拒所謂鹹水以便往來之舟而東西管數鄉之堰礮隨以繕完者凡六所蓋用工一萬一千有奇而溉田五千五百餘頃假財於賑貸之餘而公不費役民於旣病之後而私不勞於是邑人相與傳之願有以久大夫之賜於無窮而舒亶因系之曰蓋治古之盛其不免於天時之不齊或與後世同唯所以應之者與後世異故旱不能乾水不能溢而民不災堯王之政事弊於苟偷之俗久矣朝廷方慨焉比歲以來深詔執事而農田水利之官徧天下恩施厚矣而或者不能推致其意以暴之民信誕相沒使功實或漫不可考嗚然詆法至引之於歲嗚呼由是以考鄭大夫之政其盡心果何如哉雖然天下之事積在多成在久雖古之成順致利者亦不能以易此則虞大夫之志豈敢以此自必

於無窮哉亦唯來者申之而已謹記

水利記二

案此及後篇皆指廣德湖也

是湖千頃有四利焉當春夏秋四明諸山積水東注浩蕩泛濫有如海湖居民廬舍往往淪沒不一二日輒下以是湖納之一利也方其旱歲七鄉之田引以灌溉而漕河北取以濟公私往來之舟二利也菘蒲鳧魚四時不絕凡村落城市之民無田以耕無錢以商者莫不仰食於此三利也歉歲窮民以尊根爲聖米蓋自別邑他州爭取而食者不可勝數四利也嗚呼其利溥矣有心

舒應壽詩存

卷三

七四明叢書

約園刊本

於民者繕其堤防謹其經界時其啓閉禁其畜牧可也而或者徒見其沙沫淺淀乃欲議以爲田獨不知沙沫爲田則湖遂廢矣古人戒始作俑者意願不在此與越之鏡湖白馬湖可見矣沙沫地纔四十頃參天下願少四十頃田哉今夫導一渠浚一井猶苦其勞費積日月而不之成奈何欲規四十頃難必之利而遂廢千頃已見無窮之利哉誠有心於民者姑息之毋忽焉邑人舒賈題

水利記三

或謂是湖堤塘善頽每一浚築則取材調工於並湖之

民亦勞費矣今誠能卽其膏沃少損爲田歲積穀以爲繕修之備亦因利之利也是不然自慶曆丁亥距今元祐癸酉凡四十七年矣而湖堤之修前荆公中張侯峒最後段君藻蓋未始數也夫利害未嘗不相隨顧大小如何耳今置大利而顧小害未可謂知務也堤所以善類無他由啓閉不時而畜牧陵踐故耳此縣令之事也嘗得聞父老謂段君治是湖頗力增卑培薄植榆柳於其上凡一百二十丈置之列亭刻石載其數目姓名使分守之而一切禁止誠持久能如此湖復何患哉

舒頤壽齋

卷三

八四明叢書

約風刊本

戊辰遊山題壁記

元祐戊辰閏十一月己巳自西湖懶堂率臨海趙逢當時出江東宿延福庚午過東山永安己巳歲癸酉入大梅護聖觀常師舍利錫仗鐵鞭象齒丙子上保福己卯抵金峨眞相謁中禪師辛巳鄞江張宏公度吳升潛道至自郡留一夕往象山壬午遊金文還宿西堂甲申同中師離瑞相今偕師下東山迤邐以歸蓋在山間十有五日得僧院者六獨辛巳晴和登山爲闢草之劇餘輒雨雪所謂梅子眞鍊丹井法華泉石柱山雲外庵皆欲

往不果而公度約余道奉川境上遊安巖雪竇諸山且復不至亦遺恨也

香山智度寺新鐘銘

慈溪香山智度寺作鐘樓而鐘不稱於是正覺禪師謀新之一治而就實元符改元十一月五日也是寺真應大師真身在焉冥感旁通四走檀施則是鐘不日而成豈恃人力也哉亦樂居士舒置聞而贊歎爲之銘曰三界冥冥白日夜行非雷非霆聞者震驚是聲非空破一切聾十方三世不離其中是聲非有假一切手復歸於

節類書卷三

卷三

九四明叢書

約圖刊本

盡誰作誰受是大因緣具大神力非聲而聲不德而德其萬斯年與世作則

已上乾道圖經

宋故上護軍致政羅公墓誌銘

哲宗皇帝卽位改元之二年詔曰知開封府開封縣羅適豈弟廉平出於天性視民疾苦如在于已朕惟京師大眾之地宜得仁人往體朕心可權發遣開封府推官公事當是時天下曉然咸知天子仁聖所以惠養元元之意至深厚而公行治暴耀翕施爲一時公卿大夫之所歎譽謂且用世矣旣而推遷出入奔走使事凡十有



餘年比還得對天子而公老矣於是遂致其事以歸歸  
之三年夏明適大旱公曰民病甚國事也余雖老且得  
謝竊服明詔所以褒諭甚寵夙夜念不報萬分義終不  
忍以仕已貳其心頃令江都旱命浮屠氏作瑜珈法禱  
於揚子江神驗乃卽佛祠用前法方祔暑自夕通旦擊  
蹠曲拳百拜不少閒因以感疾浸劇遂卒於其家實建  
中靖國元年辛巳八月十有六日乙巳也公諱適字正  
之世謂台州寧海縣人曾祖爽祖德誠皆不仕父允明  
贈中散大夫公兩舉鄉書第治平二年進士尉舒州之  
桐城縣縣俗習病不知醫獨用巫治公一日屬羣巫盡  
取所謂像設焚之庭下卽捐私帑市藥以予民既又石  
刻方書以示後用舉者移兗州泗水令山東曠地數萬  
頃民佃居幾數千戶部使者欲取以規利以禍福撼公  
使任其事公力建不可使者卒感悟改著作佐郎知曹  
州濟陰縣居數月察訪使人飛語奏劾公輒奪官去父  
老詣闕訴留者殆萬人朝廷察之以天平軍節度推官  
還舊治閱二歲復官如初守臣以公最上卽徙知開封  
府陳留縣畿甸宿兵餘數萬主將不得其情方春閱俄

有以變告者僚佐惶駭噤不敢出氣公笑曰妄人也卽其眾杖之軍以無事上遣內侍刺知德音爲稱善邑當孔道四方宦游死不能歸而旅殯佛廟殘骸破棺無復主名以數千計公請于朝卽縣之東南隅葬之有官於南方溺死其妻挈孤悍勾於道公館之傳舍解衣輟食衣食之卒移其所居州里親黨使收恤以去開封府軍巡院官闕以公攝事院獄淹不決寒餓疾病相枕藉狼藉吏玩爲常公至則首懲其黠吏一疏其連坐之無辜者出之斥案牘之無用者爲衣衣之宿垢陳敞不閱月

殆盡朝廷患市易積乾沒張職鈞考公與辟爲屬同列有忌公前數出異論者官長謀爲君罷之公曰進已退人非所願也去知揚州江都縣前此更七令皆不得以理去訴牒日盈庭大抵緣遺賦不能均公以保伍法集民廡下給筆札使自列人人得其平淮俗類黠竄農惰不勸公爲易置耕器身自教督之朝廷議鹽法使者妄意欲以強民他郡縣皆應矣公獨弗聽人莫不爲公危之公曰爲國愛民令職也縱得罪何憾事卒寢時近臣有薦公可任劇召對久不報會大臣守揚最爲知公者

歸相天子於是擢知開封府開封縣就遷府推官未幾  
除提點府界刑獄兼相度京西等路水利兼管澇泲久  
湮蒔歲積潦田至種不得下公設法疏畎之民始不病  
廣濟軍南里堤田凡數千頃地形相傾水上下交爲患  
公行視卽下流醜爲渠以注之淮其功利居多朝廷賞  
之公曰僚吏力也推不受雖不行公志也兩浙道蘇秀  
水議者不一朝廷遣專使相視經理而又以公爲提點  
刑獄佐其事經費不貲民力殆不支公不及請輒發常  
平貸助之朝廷爲薄其罪最後移京西北路提點刑獄

熙寧中河北災詔許流民處荒土汝州幾數百戶至是  
或者規其地以冒佃告數更有司不能判公請如方田  
法民以莫居蓋公少長田間於民事無所不知故仕宦  
自初暨終更十任而六爲長官其所設施初雖若煩碎  
及其既久上下情得是非曲直至則辨察事無大小罔  
不飭舉教條所下吏服民聽如父詔子以至四爲監司  
一切務在恤民隱戒督官吏必先廉恕而於水事尤爲  
不苟有勞以故所至稱治去則人思之多爲立生祠而  
論者以謂有古循吏之風信然公資渾厚質直不華臨

事疑疑信理直前不肯爲利害俯仰聞人之善獎與成  
就惟恐不力急人艱佻勇往不倦如赴嗜欲俸祿所入  
應手隨盡未始爲子孫後口毫髮計其事親孝於兄弟  
友待親戚交舊篤恩義立然諾異母兄欲異財聽其所  
欲取季弟死爲擇婿嫁其婦又嫁其女如已出初未知  
學自大母族黨發之其後家困爲撫育其孤女妻之士  
族嘗學於鄉先生旣死與教養其子至分俸以舍之太  
學少舉進士與友生借上中道輒臥病他皆委以自便  
公獨留不去故人死久不能舉唱鄉人營宅兆卜日月

奇蹟靈壽存

卷三

十三四明叢書

約園刊本

哭泣以葬之有使者數侵公他日公出使乃在部中初  
疑其不能忘也公曰本自不計無可忘者蓋公義節厚  
德類如此而多至不可勝數平日與客語常謂愛人之  
憂然後可以樂其樂蓋其意向所在大抵不以私自營  
晚雖退休志猶不衰而其餘力長智者尙可以爲世用  
近臣使者方且交章而公亡矣人莫不惜之公好古強  
學雖老不廢書當嘉祐治平間學者方事聲律而公已  
能用意經傳然頗獨嗜易其所爲注解合其他歌詩章  
疏碑碣雜文僅百卷雅意藏書凡遺文古事與夫國朝

新書家多有之晚歲奉佛尤嚴云公享年七十有三官  
自著作佐郎換宣德郎七任爲朝散大夫勳至上護軍  
服五品中散公兩娶前吳贈慈溪縣太君後周贈金華  
縣太君公卽金華出也娶周封永嘉縣君男六人四亡  
曰瑛曰球皆爲太廟齋郎女九人一亡長歸陳師漸次  
陳悖次王庭筠次朱充皆舉進士一在室餘尙幼以崇  
寧元年壬午三月初七日壬辰歸葬於寧海海游之東  
原公雖世居寧海而嫻舊多在明且愛其湖山可樂去  
墳墓爲不遠遂家焉此計至於其鄉父老爲置位聚而  
哭者凡三日余與公少同筆硯又爲同年生又嘗爲同  
僚今又爲同里投分實四十年自公寢疾得日造其門  
迨治命與之握手而訣且詰其所欲屬我者曾不及他  
夫豈謂余自足以深知其心而不待言與故當其葬也  
爲具論其平生泣而爲之銘曰允矣羅公其德孔夷維  
人之憂弗苟弗隨維聖天子民瘼是咨大眾之區曰唯  
京師其往替哉莫如汝宜孰荒我田有黍離離水行地  
中自公來尸蠹雅舞歌匪唯無飢凡利在人弗問細微  
暨厥行路枯齒弗遺內外戚疏豈不異施我罔不盡忠

利愛慈百爾士夫孰一于茲公取而足其賢可知  
故原公乎其歸寧我邦人百世是思爰憩彼郊其生有  
祠配古社神春秋祀之

台州府志

宋故明長史王公墓誌銘

先生諱說字應求其先睦州人也五代時曾祖耕嘗推  
奉國軍節度事因家焉今遂爲明之鄞人祖簡父昭文  
不仕娶高氏再娶李氏五男筠叟瑜玩琦珩皆舉進士  
三女二歸爲士人妻一尙幼先生元豐八年八月六日  
以疾卒于家享年七十有六以明年三月三日葬於鄞

卷三

三

三

約園刊本

之桃源鄉清泉里從新卜也明有五先生前則慈谿楊  
君適杜君醇鄞王君致其後則奉化樓君郁與先生其  
人也之五人者皆以行誼術業表其州鄉者也楊杜王  
死久矣而樓死今先生又死於是鄉人相與泣而言曰  
先生無遺矣凡我鄉邦其將誰以咨故實決疑事乎後  
生子弟將何所矜式乎先生敦靜和易退然似不能語  
與人交雖久近莫得而親疎以其學教授鄉里三十餘  
年一時朋輩與門人弟子去而仕宦有老而歸與未歸  
而死者矣而先生于是始得一命爲州長史無田以耕

無桑麻以衣又未嘗言利于鄰里朋友窮閭陋室妻子  
相對自眾人觀之若不可以一朝居也而先生敝袍糲  
食頽然卒歲不知富貴利達與夫匱窮貧賤之可以擇  
而處也嗚呼若先生可謂知德者矣昔者顏氏子不遷  
怒不貳過夫子止以爲好學至于簞食瓢飲在陋巷不  
改其樂乃獨稱以爲賢然則賢者之所爲果不在此而  
在彼歟先生之窮甚矣人固莫不知而哀之然其能知  
先生之所以能窮者乎於是當其葬也門人舒置爲之  
銘曰冠屨屨兮佩陸離紛鐘鼎兮妾馬肥謂可搏而有  
兮胡寧乎突梯謂之足願兮又孰有以易之庸詎知夫  
先生兮邈古人乎予追涉一世兮銖錙糝藜藿兮不饑  
白首青衫兮不卑桃源南兮望春西山叢叢兮水漪漪  
生所居兮死所歸志兩獲兮又何悲曠千載兮尙誰期  
九原可作兮嗚呼在斯

貞羣案王長史墓於清道光十九年爲江三所發書  
志石者京兆杜任題籤者浚儀向宗謨也

宋故祕校郭公墓誌銘

郭君諱渾字仲醇其先汾陽人居四明五世矣曾祖諱

師從龍宮吳越爲諫議大夫祖諱繼崇任太子太傅父  
諱璉口潛德不仕以子故封大理評事再封大理寺丞  
蓋寺丞有子二人長曰暨第進士位於朝今爲屯田員  
外郎其一人卽君也生而俊邁風韻秀爽不雜流俗性  
耿易不爲歧曲崖岸議論口直無所回容諱避中心坦  
然絕無一毫芥蒂讀書務窮聖人之奧旨剔去傳注不  
爲膚聞淺見者之所道也發爲辭章迥麗精密學者無  
不喜悅被鄉大夫薦不利于有司慨然有終焉之志歸  
以詩書自娛放宕山水閒若將終身焉餘十年矣一日

朝廷廣搜擇之路凡籍名貢部者限年特與奏名適詔  
下君在秦中州郡勉口駕奏以行覆試于口賜第以歸  
踰年法當擬官左右皆勉君西去行李及泗解口一夕  
被疾遽卒於口吁可痛哉乃熙寧十年十二月十有四  
日也寓窆於僧舍焉訃至嗣子敦方號泣殞滅奔赴越  
數千里扶護東下以元豐四年十月二十九日壬午葬  
於慈溪縣石臺鄉光德村太平里先塋之側也享年六  
十有四娶俞氏有子曰敦方曰敦仁曰敦復曰敦臨四  
人皆業進士女五人長適前池州軍事推官童于次適



進士張孝臻皆郡人餘尚幼葬有日矣予既知君爲人也於是與之爲銘銘曰謂命不授胡材之茂謂德必懋胡艱爾祐□□於君其孰能究必曰詒謀以大爾後

浩案自同治間斯誌出土其地向□郭家墓得此始知舊時命名之義墓讀如黃慕渡之墓音莫故切與古音合相傳吾邑金川石臺兩鄉郭氏最爲鉅族今微甚矣然兩鄉村落社廟橋梁津渡因郭氏取名者所在多有故老所傳蓋信據誌郭師從居四明已再世任吳越官至諫議大夫自來郡邑志皆失載吳任

每禮壽文存

卷三

六十四明徵書

約圖刊本

臣十國春秋有傳傳云師從合肥人田頴婦弟也隸額部下文穆質宣州時多方保護後隨歸杭州累遷浙西營田副史忠獻王時拜同參相府所載爵里與誌不合而文穆王世家及田頴傳師從又倒爲從歸考五代史記吳越世家及吳越備史並言頴母保護文穆無一語及師從五代史及九國志並有田頴傳并不及文穆事不知吳氏謨傳何所據也漢書諸侯王表序云乃作左官之令服虔曰仕於侯國者曰左官此云左官猶言左其也郭渾熙寧九年進士郭賢

皇祐元年進士童子鄧人嘉祐六年進士並見乾道  
圖經進士張孝臻歷志俱不載張氏譜稱孝臻登元  
祐九年進士娶郭氏與誌相符當可依據舒懶堂文  
集百卷宋元志所載僅存百一金石文字尤所希見  
是可寶也 又案碑高三尺廣二尺八寸額篆書宋  
故郭君祕校墓銘八字四行徑三寸四分誌銘二十  
五行行二十二字正書徑一寸銜名二行字不等第  
一行題通直郎知制誥知諫院兼判國子監兼判國  
子監兼判司農寺騎都尉賜紫金魚袋舒實讓第二  
行題朝請郎知棣州軍州事兼管內勸農事兼提點  
沙口博州巡檢司公事護軍借紫陳詵書并題蓋案  
陳詵象山人慶曆六年進士

舒癩堂詩文存補遺

宋慈溪舒 賈信道撰 馮貞羣輯

詩

七律

含珠林

何代神僧機匠深  
手栽珠樹作珠林  
獐龍離穴領初鑿  
老蚌出泥光易尋  
海近鮫人工迸泣  
山深木客費愁吟  
開窗夜半不成寐  
明月時時照我心

七絕

舒癩堂詩存

補遺

一

四明叢書  
續刊本

題明覺寺住在堂

案六章  
見卷一

不管霜毛不貸人  
一年舊事一年新  
山窗未曉聞山樂  
可是梅花漏泄春

風吹雨腳細於絲  
冷暖渾如寒食時  
不待千山消盡雪  
小紅已到杏花枝

沙溪過雨半清渾  
徑石高低帶雪痕  
又見山農話春事  
腰鎌兩兩喚兒孫

斷橋高下路橫斜  
隔水人煙四五家  
雨後一枝紅帶雪  
風流不道有巖花

只見青山無水聲到頭耳目未全清年來賞遍江東寺  
纔入今宵睡未成

六國干戈擅霸圖先生談笑有工夫不知當日縱橫夢  
曾識水聲山色無

題崇福禪院

案其二  
見卷一

一峯傍倚兩山朝雪裏龍孫響佩瑤長與幽人發高興  
不辭雨雪過溪橋

上雪竇山奉慈禪院

白雲堆裏笑呵呵上接天衢不較多翠鎖亭臺山月冷

舒癯詩存

補遺

二四別集音

初編刊本

香風吹滅盡莎羅

已上延祐志

蘆山寺

案六章  
見卷一

江雲扶雨暖溶溶來往東西只信風早晚晴陰渾不定

青山半在有無中

鵝鴨相呼初出田昏昏雲日澹平川寒雲數簇山南北

不見人家空見煙

蘆山寺志

賦

舜琴歌南風賦

帝舜作琴以歌南風

帝意雖遠琴音可通欲發揚於孝道遂歌詠於南風高

意五絃寫生成之至德託言萬物荷長養之元功粵其  
耕稼陶漁至爲君聰明睿智積諸己日深致孝之念躬  
盡事親之理以謂鞠養之德欲言之不足生育之愛欲  
報之何以緣情指物孰形孝子之思流詠在琴具載南  
風之旨時其比屋熙父巖廊覩深包我萬慮寫於一琴  
協天地以同趣按絲桐而播音作以叙情適在無爲之  
日薰兮入奏永言至孝之心蓋曰風之於物也有化養  
之恩尊親之於己也有劬勞之德博眷物理之明甚假  
琴聲而遠託一彈而歡意具寫再鼓而羣心咸若按絃  
而奏聲參韶樂之淳寓象而言義並凱風之作議夫琴  
求以意而不求乎形器帝樂在孝而非樂於絃歌感民  
之義豈並於北里思親之志固深於蓼莪藏韻於心非  
止解一時之愠寄聲於政又將陶萬國之和自是正音  
暢而化洽幽遐協氣流而時消滄溟闔門聽之則翕爾  
和順朝廷聞之則欷然感厲風被乃俗功歸於帝又得  
夔工之奏同樂於民不煩鄒律之吹阜財於世茲蓋淵  
默玩意優游面南歌孝風之遠暨託琴理以中含惜乎  
道與世汨樂非德參操變而亡徒起後人之歎音調而

理空聞前史之談夫豈知昔者導樂理之淳淳達孝思  
之進進內將報德之罔極外以格民之大順然則歌琴  
之意至矣哉莫如虞舜

宋文  
鑑

舒頌堂藏書

補遺

四四明叢書

一約園刊本

附錄

同舍弟泛舟西湖登畫錦堂步至紫翠亭望嬾堂  
景物懷故龍圖舒先生  
王庭秀

城中十頃湖雲水相演漾春風破冰谷拍岸新流漲平  
鋪鴨頭綠澹拖蒲萄釀朱鬢媚孤嶼荒宇麗相向萬瓦  
生清暉千花聯錦帳晨曦照炯炯芳氣浮泱泱日暮姿  
態妍煙霞渺空曠誰將水仙境聊借詩人仗臥護五羊  
城追懷老詩將微吟示清野鏖戰得閑放變化無端倪  
虛無落名狀坐令湖上景勝絕神宇王當時經行地藻  
麗隨屨杖斯人今則亡物色亦摧喪他年牛馬走曾拜  
丈人行塵埃久漂泊歲月成漫浪問訊嬾堂居松菊忻  
無恙尙意壁間聲時屢朱絲唱撫事重興嗟陳迹徒悵  
望哦公十洲詩風月爲悽愴

舒嬾堂詩本存

附錄

一四明叢書  
約園刊本

舒中丞圖

豐清敏公與中丞同學於樓氏及入朝  
嘗爲中丞自新法行而趨向異然歸里

後與之唱和不絕回休周公亦然可以見其大  
雅而洛蜀諸公自相矛盾以啓曠林之爭可嘆  
也

全祖望

嬾堂風景眞明瑟舊貫豐周共學區一自黨人分部後  
重湖詩社強相於

十洲詩與梅花豔湖曲誰傳宿老家三復王郎憑弔句  
謂王庭秀  
遊嬾堂詩我來亦自重咨嗟

嬾堂記

全祖望

鄞西湖十洲之尾舒中丞信道嬾堂在焉中丞本貫慈  
水通籍後居鄞今城南行春硯旁諸舒皆其裔孫而城  
中則明嘉靖中長史纓是也臬堂先生輯甬上前輩詩  
不知而闕之嬾堂在錦里橋之南居人呼之曰隩底以  
其爲島嶼之盡境也實與樓楚公畫錦堂紫翠亭墨莊  
相望至今居民尙呼舒官人巷中丞游天童詩曰昨夜長

舒嬾堂詩存

附錄

二四明叢書

約園刊本

鬚城裏回報道湖上秋風來醉園雨過月臺冷籬根白  
菊看看開忽見江頭江月白紛紛笑語城東陌一尊北  
酒一枰棋未到嬾堂猶是客題十洲松島詩曰歲晚何  
人同寂寞水西我有讀書堂皆指此也王庭秀遊西湖  
詩曰誰將水仙境聊借詩人仗微吟示清野麀戰得閒  
放坐令湖上景勝絕神宇王問訊嬾堂居松竹忻無恙  
其景物之爲人追慕如此志乘皆不錄非闕歟中丞爲  
樓正義公高弟本屬正學特以附麗荆公遂爲呂蔡  
一流力與坡翁爲難良可惜也當時句餘人物如豐清



敏如周南雄如陳文介如蔣金紫寄公如陳忠肅如晁景迂蓋極一時之盛獨中丞臭味不同而卒亦不得登兩府乃知逐勢之爲無益也吾鄞之不以中丞爲前輩并其故蹟亦鮮稱道者得非以是故歟雖然中丞之文采則不可掩故南雄與相酬答有舒周唱和集而忠肅亦預於十洲之會凡吾鄞之勝地率以中丞詩著而湖上尤爲總持此予之惓惓而不已也予家十洲之煙嶼於懶堂最近雖竹石俱無存者然每過之未嘗不愛其明瑟徘徊良久懶堂之後人乾道八年進士烈受業沈

舒懶堂詩存

附錄

二三四明發書

約園刊本

簽判公權爲程氏之學云

墨莊漫錄

張邦基

舒信道敗荷詩云忍看夜影分殘月別送秋聲入晚風前輩云一羣之政觀於酒一家之政觀於齋蓋二物若善則其他可知矣謫居四明幾二十年獨以詩爲樂常得句云春禽得意千般語澗草無名百種香自喜之旣而曰此聯可入箋注不可以示人遂改去不用之七言絕句唐人之作往往皆妙近人亦多佳句其可喜者不可槩舉予每愛舒信道村居云水繞陂田竹繞籬榆

錢落盡槿花稀夕陽牛背無人臥帶得寒鴉兩兩歸

谿上遺聞

尹元煒

舒亶字信道邑志有傳居大隱山至今有學士橋全謝山詩話信道居慈之鳳凰山麓解組後寓居鄞之月湖卽今所謂喚底時人重其所居謂舒官人巷是也著有嬾堂集謝山嬾堂記鄞西湖十洲之尾舒中丞信道嬾堂在焉中丞爲樓正議高弟 本屬正學特以附麗荆公遂爲呂蔡一流力與坡翁爲難良可惜也當時句餘人物如豐清敏周南雄陳文介蔣金紫寄公如陳正肅晁景迂蓋極一時之盛獨中丞臭味不同而卒不登兩府乃知逐勢之無益也然中丞文采自不可掩也 十洲唱和凡四家一爲太守劉珵一爲倅陳了翁一爲王

每曠筆諸存

附錄

四四明叢書

約圖刊本

亶其人無可攷其一則舒中丞信道也四明圖經所載謝皋羽舒臨海故宅詩破壁溼海蘚水邊日氣蒸云是舒公宅其孫艾且仁昔公初作尉視事卽斬人上書稱臣亶待罪滄海濱天子有詔至汝亶可治民爾時王荆公上方邑之鄞聞此輒異之久會公秉鈞謂此非狂狷引用至中丞立朝思蹇諤庶以報君親蘇公下詔獄讒

者用事新於此與有力豈爲重其身晴風吹海雨山川  
尙橫陳俯仰勿大息徒爲驚爾鄰觀此詩則荆舒之交  
已在介甫作鄭令時非荆公旣大用信道始附之也

光緒鄞縣志

徐時棟

舒中丞置有園在西湖歸里後與豐清敏周四休唱酬  
陳忠肅晁景迂咸與焉所謂嬾堂者在錦里橋之南  
居人呼之曰喚底以其爲島嶼之盡境也至今尙呼舒  
官人巷

舒嬾堂詩文存

附錄

五

四明叢書

約園刊本

舒嬾堂詩文存附錄

四明叢書

四明叢書  
約園刊本

四明叢書

四明叢書  
約園刊本

四明叢書

四明叢書  
約圖刊本